



MEĐUNARODNA SARADNJA

2021

Impresum

PROREKTORICA ZA MEĐUNARODNU SARADNJU

Prof. dr. Enita Nakaš

SLUŽBA ZA MEĐUNARODNU SARADNJU

Dr. sc. Jasna Bošnjović, rukovoditeljica Službe

Mr. sc. Adnan Rahimić, viši stručni saradnik

Izveštaj je izradila Služba za međunarodnu saradnju Univerziteta u Sarajevu u saradnji sa prodekanima i koordinatorima za međunarodnu saradnju (pod)organizacionih jedinica Univerziteta u Sarajevu.

DTP: mr. sc. Adnan Rahimić

Sarajevo, januar 2022. godine

SADRŽAJ

1 UVOD.....	4
1.1. Uticaj pandemije na rad	4
2 POKRETAČI I NOSIOCI MEĐUNARODNE SARADNJE	5
2.1. Služba za međunarodnu saradnju.....	5
2.2. Prodekani, koordinatori i saradnici za međunarodnu saradnju na (pod)organizacijskim jedinicama Univerziteta u Sarajevu	5
2.3. Odbor za međunarodnu saradnju	6
2.4. Studenti, nastavno/naučno i nenastavno osoblje.....	6
3 UGOVORI	6
4 MEĐUNARODNE MREŽE I ČLANSTVA	8
5 MEĐUNARODNA MOBILNOST.....	8
5.1. Odlazna mobilnost	9
5.2. Dolazna mobilnost	10
6 MEĐUNARODNI PROJEKTI.....	10
6.1. Erasmus+	10
6.2. Ostali međunarodni projekti i dešavanja.....	11

1 UVOD

Služba za međunarodnu saradnju Univerziteta u Sarajevu (dalje u tekstu Služba), uz podršku nadležne prorektorice, a u saradnji sa prodekanima, koordinatorima i saradnicima za međunarodnu saradnju na (pod)organizacijskim jedinicama ovog univerziteta, te kroz svakodnevnu komunikaciju i implementaciju aktivnosti sa inostranim akterima i visokoobrazovnim institucijama doprinosi kvalitetnoj internacionalizaciji visokoobrazovnog prostora na nacionalnom, regionalnom, evropskom i međunarodnom polju. Kroz koordiniranje aktivnosti s međunarodnim karakterom, posebno programa mobilnosti, uspostavljanja međunarodne saradnje sa inostranim visokoobrazovnim institucijama, te promociju međunarodnih poziva za dostavljanje projektnih prijava, svi pomenuti akteri omogućavaju implementaciju procesa internacionalizacije u oblasti visokog obrazovanja gdje se Univerzitet u Sarajevu prepoznaje kao atraktivni i punopravni partner u mnogim međunarodnim programskim i projektnim pozivima. Učešćem u Erasmus+ projektu za izgradnju kapaciteta „Jačanje internacionalizacije visokog obrazovanja u Bosni i Hercegovini“ (STINT) („Strengthening of Internationalisation in BiH higher education“¹) dobili smo korisnu platformu za razmjenu mišljenja između lica koja se bave srodnim poslom. Definiran je tekst strategije internacionalizacije, oblikovan na način da omogući brzo i jednostavno praćenje, ali istovremeno nudi dovoljno informacija koje su neophodne da omoguće uvid u stanje procesa internacionalizacije, resurse koji postoje na Univerzitetu u Sarajevu, kao i lokalne i globalne izazove u ovom segmentu.

1.1. Uticaj pandemije na rad

Nakon izazovne 2020. godine, gdje su se tradicionalna dešavanja i sastanci počeli organizirati u online formi, a svakodnevni rad je bio onemogućen zbog pandemije COVID-19, Služba, uz podršku menadžmenta Univerziteta u Sarajevu, te prodekana, koordinatora i saradnika za međunarodnu saradnju donijela određene odluke u cilju zaštite zdravlja studenata i osoblja, a da „međunarodni posao ne trpi“. Kao i u toku 2020., i u toku 2021. godine Služba je nastavila sa radom, vrlo često i izvan radnog vremena, poštujući donesene odluke menadžmenta Univerziteta u Sarajevu te kriznog štaba grada Sarajeva, Kantona Sarajevo i Federacije BiH. Zimski semestar 2020/2021. godine je bio suspendiran za obostranu mobilnost, jer nisu postojali uslovi za sigurno putovanje i studijski boravak stranih studenata i osoblja na Univerzitetu u Sarajevu, kao ni napih studenata i osoblja u inostranstvu. U komunikaciji sa partnerima širom Evrope te postepenim popuštanjem mjera, otvoreni su pozivi za prijavu na međunarodnu mobilnost u ljetnom semestru 2020/2021. godine te smo uspješno poslali naše studente i osoblje u inostranstvo, dok smo bili domaćini par desetina inostranih studenata koji su prisustvovali online nastavi na Univerzitetu u Sarajevu. Zbog pandemije, mnogi pozivi za podnošenje projektnih prijava nisu bili otvoreni te je broj prijavljenih i obrađenih projektnih prijava znatno manji. Ovo se najviše odnosi na Erasmus+ poziv za podnošenje projektnih

¹ 561874-EPP-1-2015-1-BE-EPPKA2-CBHE-SP, trajanje od 15. 10. 2015. do 14. 04. 2019.

prijava koji nije bio otvoren u 2020. godini, a čiji rezultati bi se znali na ljeto 2021. godine, odnosno implementacija istih bi krenula na jesen 2021. godine.

2 POKRETAČI I NOSIOCI MEĐUNARODNE SARADNJE

2.1. Služba za međunarodnu saradnju

Služba za međunarodnu saradnju je aktivni nosilac međunarodnih aktivnosti Univerziteta u Sarajevu, bilo da je riječ o aktivnostima na samom Univerzitetu i/ili aktivnostima koje se realiziraju tokom boravka delegacija UNSA izvan Bosne i Hercegovine. Svi sastanci, susreti, kao i treninzi su održavani uglavnom online, a mobilnosti studenata i osoblja (koja je bila suspendirana u zimskom semestru 2020/2021. godine) su ponovo pokrenute prateći i poštujući sve epidemiološke upute i uslove, kako u BiH, tako i u Evropi. U cilju promocije međunarodne razmjene, Služba je predstavila atraktivni online program „IRO class“ u okviru kojeg je (u početku u večernjim satima u toku policijskog sata), a zatim i u drugim periodima, držala online sesije i animirala studente i osoblje da učestvuju i doprinesu na različitim temama. Toplo vrijeme i povoljni uslovi za sastanke uživo tokom pandemije, kao i otvorenost granica omogućilo je Službi da organizuje Petu i Šestu međunarodnu sedmicu obuke osoblja kroz koje je osmišljen program s fokusom na procese internacionalizacije univerziteta uključuje društvene i kulturne aktivnosti te degustacije domaćih kulinarskih proizvoda. Nakon pauze u toku 2020. godine (zbog pandemije) vratili smo se organizaciji Sajma stipendija, i to jedanaestog po redu. Ove godine, Sajam je organizovan u saradnji sa Ambasadorom Francuske, Campus France i Francuskim institutom u BiH (više pod „međunarodne aktivnosti“).

2.2. Prodekani, koordinatori i saradnici za međunarodnu saradnju na (pod)organizacijskim jedinicama Univerziteta u Sarajevu

Na (pod)organizacionim jedinicama Univerziteta u Sarajevu (pored direktnih učesnika mobilnosti – studenata i osoblja) nosioci međunarodnih aktivnosti su prodekani, koordinatori i stručni saradnici za međunarodnu saradnju. Djelujući individualno na svojim jedinicama Univerziteta u Sarajevu ili zajednički na nivou univerziteta, neupitan je aktivan angažman i želja da se institucionalizira internacionalizacija ovog ustanove, sa fokusom na proces „internationalizacije-kod-kuće“. Vijeće prodekana i koordinatora je nastavilo sa svojim aktivnim radom u online formi, te su sve donešene odluke i smjernice doprinjeli kvalitetnom održavanju međunarodnih aktivnosti i dešavanja na Univerzitetu u Sarajevu. Ovi sastanci čine platformu za razmjenu mišljenja, predstavljanje izvještaja o implementaciji aktivnosti iz oblasti međunarodne saradnje na univerzitetu, te priliku za razmjenu iskustava naših studenata, nastavnog i nenastavnog osoblja koji su učestvovali u međunarodnim aktivnostima izvan granica Bosne i Hercegovine. Davanjem podrške za međunarodne mobilnosti studenata, nastavno/naučnog i nenastavnog osoblja, prodekani i koordinatori aktivno doprinose povećanju atraktivnosti našeg univerziteta kao partnera u mnogim međunarodnim projektima. Naša Služba zajedno sa prodekanima/koordinatorima za međunarodnu saradnju organizacionih jedinica nastavila raditi na inostranoj akademskoj ponudi neophodne za snažniju mobilnosti i prisustvo stranih studenata. Finaliziran je i „pušten u promet“ interaktivni, „user-friendly“ online registar modula/predmeta koji je moguće pohađati na engleskom ili drugim stranim

jezicima za akademsku 2020/2021. godine. Ukupno 300+ modula/predmeta je ponuđeno stranim studentima s tim da ovaj broj nije konačan.

2.3. Odbor za međunarodnu saradnju

Odbor za međunarodnu saradnju je imenovan kao stručno i savjetodavno tijelo Senata UNSA sa devet članova (po jedan predstavnik svake grupacije nauka/umjetnosti iz reda nastavnika/saradnika, predstavnik Službe za međunarodnu saradnju, predstavnik Studentskog parlamenta i prorektor za međunarodnu saradnju) a koje doprinosi aktivnim procesima internacionalizacije ove ustanove. Dolaskom novog / starog menadžementa, izvršeno je ponovno imenovanje Odbora, kojeg, nakon manjih promjena, u konačnici čine:

1. Prof. dr. Enita Nakaš, prorektorica za međunarodnu saradnju
2. Prof. dr. Meliha Powlakić, predstavnik Vijeća grupacije društvenih nauka
3. Prof. dr. Ksenija Kondali, predstavnik Vijeća Grupacije humanističkih nauka
4. Prof. dr. Tamer Bego, predstavnik Vijeća Grupacije medicinskih nauka
5. Prof. dr. Samir Đug, predstavnik Vijeća Grupacije prirodno-matematičkih i biotehničkih nauka
6. Prof. dr. Aida Idrizbegović-Zgonić, predstavnik Vijeća Grupacije tehničkih nauka
7. Prof. mr. Srđa Hrisafović, predstavnik Vijeća Grupacije umjetnosti
8. Dr. Jasna Bošnjović, rukovodilac Službe za međunarodnu saradnju
9. Mirza Medunjanin, predstavnik Studentskog parlamenta Univerziteta u Sarajevu

Za sekretara odbora i dalje je zadužen stručni saradnik Službe za međunarodnu saradnju.

Konstituirajuća sjednica Odbora zakazana je i održana 01. 07. 2021. Za predsjednicu Odbora imenovana je prof. dr. Aida Idrizbegović-Zgonić, za potpredsjednika Odbora imenovan je doc. dr. Tamer Bego. Utvrđene su preliminarne smjernice za rad Odbora. Služba održava mjesečne sastanke sa prodekanima te se članovi Odbora susreću i kroz ove sastanke.

2.4. Studenti, nastavno/naučno i nenastavno osoblje

Studenti, nastavno/naučno i nenastavno osoblje Univerziteta u Sarajevu su, nakon pauze zbog pandemije u zimskom semestru 2020/2021. godine, ponovo dobili priliku da studiraju, odnosno steknu profesionalno usavršavanje na partnerskim institucijama širom Evrope kroz programe mobilnosti Erasmus+ i CEEPUS (više pod Međunarodna mobilnost).

3 UGOVORI

Trenutno, Univerzitet u Sarajevu, zajedno sa svim svojim (pod)organizacijskim jedinicama ima **209 aktivnih bilateralnih međunarodnih sporazuma**, od čega su 149 potpisana na nivou univerziteta. U toku 2021. godine potpisani i/ili produženi su bilateralni sporazumi sa sljedećim institucijama:

1. Univerzitet Aleksandar Moisiu u Draču, Albanija
2. Univerzitet u Avinjonu, Francuska
3. Poliarte Akademija likovnih umjetnosti i dizajna, Italija
4. Slobodni univerzitet za jezike i komunikaciju - IULM, Italija

5. Univerzitet Milano Bicocca, Italija
6. Tehnološki univerzitet Princeza Sumaya, Jordan
7. Univerzitet Babes Bolyai, Rumunija
8. Univerzitet u Barseloni, Španija
9. Bezmialem Vakif univerzitet, Turska
10. Sulejman Demirel univerzitet, Turska
11. Koč univerzitet, Turska
12. Tehnički univerzitet u Istanbulu, Turska
13. Uludag univerzitet u Bursi, Turska

Inicirano je sklapanje saradnje sa sljedećim institucijama:

- Univerzitet u Duhoku, Irak
- Hankuk univerzitet za strane studije u Seulu, Koreja
- Univerzitet u Žironi, Španija
- Ibn Haldun univerzitet, Turska
- Marmara univerzitet, Turska

Pregled bilateralnih sporazuma dostupan je na linku: <https://www.unsa.ba/istrazivanje-i-saradnja/medunarodna-saradnja/bilateralni-sporazumi-o-saradnji>.

Kada su u pitanju Erasmus+ sporazumi za međunarodnu kreditnu mobilnost studenata i osoblja, u 2021. godini su sklopljeni ili produženi sporazumi sa sljedećim partnerskim institucijama:

- Masaryk univerzitet u Brnu, Češka Republika
- Univerzitet Paris Nanterre, Francuska
- Univerzitet u Toulouseu, Francuska
- Univerzitet u Makedoniji, Grčka
- Aristotel univerzitet u Solunu, Grčka
- Univerzitet Tor Vergata u Rimu, Italija
- La Sapienza Univerzitet u Rimu, Italija
- Univerzitet u Pečuju, Mađarska – aneks
- Univerzitet u Constanceu, Njemačka
- Univerzitet u Marburgu, Njemačka
- Jagielonski univerzitet u Krakovu, Poljska
- Univerzitet Nova Lisboa, Portugal
- Univerzitet u Algarveu, Portugal (Marenostrum)
- Univerzitet u Ljubljani, Slovenija (za Medicinski fakultet UNSA)
- Univerzitet u Beogradu, Srbija
- Univerzitet u Valensiji, Španija
- Univerzitet u Valladolidu, Španija
- Univerzitet u Malardalenu, Švedska
- Univerzitet Santiago de Compostela, Španija

- Katolički univerzitet u Valensiji, Španija
- Univerzitet u Almeriji, Španija
- Univerzitet Miguel Hernandez u Elchehu, Španija
- Univerzitet Balearskih ostrva, Španija
- Univerzitet u Sevilji, Španija
- Univerzitet Zapadne Atike, Grčka
- Univerzitet Cluj-Napoca, Rumunija
- Univerzitet u Istanbulu Gelisim, Turska

Pregled Erasmus+ KA107 sporazuma dostupan je na linku: <https://international.unsa.ba/sporazumi-o-saradnji/>.

4 MEĐUNARODNE MREŽE I ČLANSTVA

Univerzitet u Sarajevu i pripadajuće mu organizacijske institucije su članovi 30 međunarodnih organizacija i mreža. Služba je tokom 2020. godine pokrenula proceduru za članstvo u dvije nove međunarodne mreže: UNICA i Santander Grupa, a procedura je okončana krajem godine, te smo oficijelno postali dio ovih mreža od početka 2021. godine. Pregled svih mreža je dostupan na <https://international.unsa.ba/mreze-i-asocijacije/>.

- **UNICA** predstavlja mrežu univerziteta iz glavnih gradova Evrope sa 53 univerziteta iz 37 glavnih gradova Evrope. Osnovana je 1990. godine, a glavni sekretarijat se nalazi u Briselu. Ulaskom u ovu mrežu, Univerzitet u Sarajevu proširuje mogućnosti za umrežavanje i pokretanje različitih vrsti međunarodnih saradnji. Pored standardnih radionica i seminara (rektorski seminar, online konferencija: „transformacija univerziteta u periodu nakon Covid-19), Služba je aktivna u tromjesečnim sastancima svih evropskih ureda za međunarodnu saradnju koji se organiziraju u okviru ove mreže.
- **Santander Grupa** je osnovana 1988. godine i predstavlja integriranu mrežu evropskih univerziteta sa ciljem da omogući uvezivanje kulturnih i socio-ekonomskih vještina, kao i da razvije specifične mehanizme privilegovanih kanala informacija i razmjene u visokom obrazovanju.

5 MEĐUNARODNA MOBILNOST

Mobilnost predstavlja međunarodnu aktivnost gdje se studentima omogućuje da dio studijskog programa (jedan ili više semestara) provedu na nekom stranom univerzitetu, dok se nastavnom, naučnom i nenastavnom osoblju omogućava profesionalno usavršavanje kroz kraći boravak na partnerskim univerzitetima. Standarne aktivnosti Službe na početku svakog semestra, ali i u toku, podrazumijevaju organizovanje informativnih dana, radionica i sesija, online promociju putem web stranica i društvenih mreža, posjete potencijalnih kandidata uredima, organizovanje sastanaka i dr. Također, nakon promocije podrazumijeva se i aktivno


učesće potencijalnih kandidata u pripremanju i prikupljanju dokumenata, te obezbjeđivanju potrebnih potpisa od strane odgovornih osoba (dekana i prodekana).

Odluka Univerziteta u Sarajevu o suspendovanju mobilnosti tokom ljetnog semestra 2019/2020. i zimskog semestra 2020/2021. godine je obuhvatila najpopularniji program Erasmus+, Mevlanu i CEEPUS i ostale programe mobilnosti. Tursko vijeće za visoko obrazovanje (YOK) još krajem februara 2020. godine donijelo odluku o otkazivanju konkursa za Mevlana program koja je ostala primjenjena i u toku 2021. godine.

U zimskom semestru 2020/2021. godine mobilnost u inostranstvo smjera je bila suspendovana zbog pogoršane epidemiološke situacije u Bosni i Hercegovini, ali i širom Evrope i svijeta. Konkursi za mobilnost u ljetnom semestru 2020/2021. godine su objavljeni tokom „suspendovanog za mobilnost“ zimskog semestra na koje su se studenti mogli prijaviti, s tim da se vodila svakodnevna komunikacija sa evropskim partnerima i analizirala epidemioška situacija. Najpopularniji i najiskorišteniji program mobilnost je svakako Erasmus+, a slijedi ga program CEEPUS. Dosta međunarodnih mobilnosti studenata i osoblja desilo se i kroz program COST, te kroz bilateralne sporazume.


5.1. Odlazna mobilnost

Ukupno **375** studenata i osoblja Univerziteta u Sarajevu je iskoristilo priliku za međunarodnu mobilnost na inostranim visokoobrazovnim institucijama u ljetnom semestru 2020/2021. godine u svrhu studijskog i/ili profesionalnog usavršavanja. Od ukupnog broja, najveći broj su studenti – **287**, dok je osoblja **88**. Sva odlazna mobilnost se dešavala u toku ljetnog semestra 2020/2021. godine (mart – juli 2021.).



5.2. Dolazna mobilnost

Univerzitet u Sarajevu je u toku ljetnog semestra 2020/2021. godine bio domaćin za **155** inostranih studenata i osoblja, od čega **60** studenata i **95** članova osoblja u svrhu studijskog i/ili profesionalnog usavršavanja. Tokom održavanja petog i šestog staff weeka, naš univerzitet je posjetilo ukupno **30** članova nastavno i nenastavnog osoblja koji su uzeli aktivno učešće u programu našeg događaja.



6 MEĐUNARODNI PROJEKTI

Zbog pandemije, mnogi pozivi za podnošenje projektnih prijava nisu bili otvoreni te je broj prijavljenih i obrađenih projektnih prijava bio znatno manji. Ipak, kao i svake godine, Služba je još početkom akademske 2020/2021. godine pripremila vodič: Informacije o dostupnim programima saradnju za 2021. godinu za Univerzitet u Sarajevu i instrukcije za prijavu koja sadrži podatke o Erasmus+ programu, rokovima i načinu prijave za pojedine ključne aktivnosti, te je izrađen popratni materijal kako bi se olakšala komunikacija sa Rektoratom radi dostavljanja potpisane i pečatom ovjerene dokumentacije u toku prijave. Ovaj put, umjesto brošure, informacije su dostupne na web stranici <https://international.unsa.ba/kako-pripremiti-prijavnu-dokumentaciju-prema-rektoratu/> tako da je u ovom obliku dostupna svim zainteresovanim koji se žele prijaviti, u ime univerziteta, na neke od ponuđenih programskih budžeta. Pored informacije o Erasmus+ programu, predstavljene su instrukcije za prijavljivanje za programe IPA, Horizont 2020 i CEEPUS.

6.1. Erasmus+

Zbog pandemije korona virusa, EACEA je obustavila objavljivanje glavnog poziva u toku 2020. godine, te je otvorila poziv samo programskim zemljama ovog programa koje je nudilo dosta ograničene ili skoro nikakve mogućnosti institucijama iz ovog regiona. Nacionalni Erasmus+ ured u BiH je tim povodom organizovao nacionalni informativni dan (online) u cilju

promocije međunarodne dimenzije novog Erasmus+ programa 2021-2027 u polju visokog obrazovanja. Kao što je i bilo najavljivano, već krajem novembra 2021. godine otvoren je Erasmus+ poziv za slanje projektnih prijava za sve učesnike širom svijeta iz više ključnih aktivnosti (kreditna mobilnost, izgradnja kapaciteta, strateško partnerstvo, promocija evropskih vrijednosti, sport, itd.). Rokovi za dostavljanje projektnih prijava ulaze u 2022. godinu, te će rezultati biti dio izvještaja za 2022. godinu.

Mnoge (pod)organizacijske jedinice Univerziteta u Sarajevu su u toku 2021. godine implementirali svoje projekte ili učestvovali u inostranim kao eksperti, a koji su odobreni u prethodnim pozivima Erasmus+ programa:

- **Izgradnja kapaciteta:**
 - Arhitektonski fakultet (HURBE),
 - Farmaceutski fakultet je kroz svoj koordinatorski IQPharm projekat održao niz susreta, treninga, kao i konferenciju,
 - Građevinski fakultet je kroz projekte SWARM i FLORIS implementirao nekoliko aktivnosti – radionica
 - Institut za genetičko inženjerstvo i biotehnologiju je održao nekoliko radnih sastanaka u okviru projekta RISKMAN,
 - Mašinski fakultet je učestvovao u više aktivnosti kroz projekte e-VIVA i BKSTONE,
 - Poljoprivredno-prehrambeni fakultet je uspješno održao završnu konferenciju kroz projekat BUGI i HariSA.
- **Strateško partnerstvo:**
 - Centar za interdisciplinarnu studiju učestvuje u međunarodnom projektu u saradnji sa Univerzitetom u Islandu,
 - Pravni fakultet u okviru MELE projekta u saradnji sa Univerzitetom u Beogradu).
- **Saradnja organizacija i institucija:**
 - Fakultet zdravstvenih studija pokreće združeni diplomski studij Palijativna skrb u saradnji sa Sveučilištem u Osijeku.
- **Jean Monnet**
 - Fakultet političkih nauka
 - Poljoprivredno-prehrambeni fakultet

6.2. Ostali međunarodni projekti i dešavanja

U toku 2021. godine, na Univerzitetu u Sarajevu je održano ukupno 273 međunarodna događaja. Zbog epidemioloških uslova broj online organizovanih događaja je veći (**179**) u odnosu na one koji su organizovani uživo (**94**). Kada je u pitanju vrsta događaja, prednjače konferencije, kongresi, simpoziji i seminari, zatim informativni dani, dok su grupacije umjetnosti održale veći broj festivala, koncerata i izložbi.

- U cilju promocije međunarodne razmjene, Služba je predstavila atraktivni online program „**IRO class**“ u okviru kojeg je (u početku u večernjim satima u toku

policijskog sata), a zatim i u drugim periodima, držala online sesije i animirala studente i osoblje da učestvuju i doprinesu na različitim temama:

- **Erasmus class** – više online događaja sa fokusom na promociju Erasmus+ programa,
- **Staff class** – mogućnosti razmjene nastavnog, naučnog i nenastavnog osoblja,
- **Relax class** – promocija yoge i opuštanja pred ispitne rokove,
- **No copying allowed** – prezentacija o univerzitetskoj integriranosti po pitanju plagijarizma, odnosno kopiranju nečijeg tuđeg rada i predstavljanja kao svog,
- **CEEPUS class** - u saradnji sa CEEPUS koordinatorom gđom Brankom Avdibegović, Služba je organizovala online sesiju za prodekane i koordinatore, kao i postojeće i potencijalne CEEPUS koordinatore na UNSA,
- **REVOLT class** - u cilju promocije Erasmus+ mobilnosti bh. studentima, a na molbu studentske organizacije REVOLT iz Tuzle, Služba je održala online radionicu na temu „Dobra praksa studentske razmjene“,
- **Pre-arrival i Pre-departure online class** – online sastanak sa odlaznim, ali i dolaznim studentima te pružanje potrebnih akademskih i praktičnih informacija,
- **Welcome online class** – za inostrane studente koji su došli u Sarajevo u ljetnom semestru 2020/2021. godine, a nisu bili u mogućnosti da fizički prisustvuju u Rektoratu (zbog poštovanja epidemioloških uslova) održan je online događaj,
- **Coursera class** – predstavljanje ponude online softvera za obrazovanje i profesionalno usavršavanje
- **Indija class** – predstavljanje ponude indijskih visokoobrazovnih institucija i mogućnosti za obrazovnu saradnju.
- **Međunarodna sedmica obuke osoblja (Staff week)** – Služba za međunarodnu saradnju je, slijedeći epidemiološke upute i propise, naš petodnevni događaj održala čak dva puta:
 - **Peti staff week** je održan u periodu 12-16. jula 2021. godine kroz koji smo našim gostima omogućili prezentaciju Univerziteta u Sarajevu i grada Sarajeva, te omogućili individualne sastanke sa našim zaposlenima za moguća buduća saradnja.
 - **Šesti staff week** je održan u periodu 11-15. oktobar 2021. godine koji je uključivao seminare, radionice, prezentacije ali i aktivno učešće međunarodnih partnera u predstavljanju svojih institucija, studijskih ponuda, kao i rada na implementaciji Erasmus+ programa. Ovu sedmicu ujedno su pratile društvene i kulturne aktivnosti, te je ujedno bila prilika i za predstavljanje i umrežavanje partnera, akademika, studenata i službenika ureda za međunarodnu saradnju.
 - Više informacija o oba događaja su dostupna na <https://international.unsa.ba/sedmica-obuke-za-osoblje/>.
- **Jedanaesti sajam stipendija** – Služba za međunarodnu saradnju Univerziteta u Sarajevu, u saradnji sa Ambasadorom Francuske, Campus France i Francuskim institutom u BiH, organizovala je 11. sajam stipendija u periodu od 19. do 21. oktobra 2021. godine. Zbog epidemioloških mjera u našem gradu i zemlji, Sajam je održan u virtuelnom formatu. Prvog dana Sajma upriličeno je svečano otvaranje, a već drugog dana predstavljene su mogućnosti za podršku studiranja i profesionalnog usavršavanja

u Bosni i Hercegovini. Posljednjeg, trećeg dana Sajma predstavljene su mogućnosti za podršku studiranja i profesionalnog usavršavanja u inostranstvu. Više informacija dostupno je na <https://international.unsa.ba/sajam-stipendija/>.

- U okviru saradnje sa **Alumni asocijacija Zapadnog Balkana** (Western Balkans Alumni Association) Služba za međunarodnu saradnju je dobila tri projekta:
 - **eraZOOMus** – zbog uticaja pandemije na održavanje sesija uživo, Služba je pokrenula inicijativa nabavke online platformi za online sesije koje su se odnosile na promociju Erasmus+ programa, međunarodne mobilnosti i saradnje.
 - **OPEN** – „Opportunities Presence through Erasmus program and other Networks“ je zajednički projekat doc. dr. Hatidže Jahić sa Ekonomskog fakulteta UNSA i mr. Adnana Rahimića iz Službe za međunarodnu saradnju o prikupljanju i promociji informacija o dostupnosti različitih konkursa i fondova za projektne prijave i/ili mobilnosti). Nakon završetka projekta, informacije su prebačene na: <https://international.unsa.ba/fondovi-za-projekte/>.
 - **Mobilnost za početnike** – je vodič koji će pratiti hronološki postupak implementacije Erasmus+ programa, tačnije međunarodne kreditne mobilnosti. Vodič će pokriti cjelokupni proces međunarodne mobilnosti – od uspostavljanja prve komunikacije sa potencijalnim „partnerom“, kroz pripremu zajedničke prijave, odobravanje i objavljivanje prvih konkursa za mobilnost, praćenje aktivnosti i dešavanja koji podržavaju odlazak studenata/osoblja na mobilnost i prateće akcije prije, za vrijeme i nakon mobilnosti. Projekat je odobren krajem 2021. godine, tako da će se njegova implementacija desiti u prvoj polovini 2022. godine.
- **Goin'** – Univerzitet u Sarajevu je postao dio projekta **Goin** - online aplikacije za servisne informacije koje nudi stranim studentima koji dolaze na naš univerzitet da se povežu jedni s drugima kako bi izgradili svoje zajednice koje premošćuju njihove razlike. Ova online zajednice će povećati i podržati cjelokupno iskustvo i dobrobit naših studenata. Kreator ove aplikacije je kompanija Goinconnect iz Utrechta, Nizozemska.
- **Virtuelni sajam italijanskih univerziteta** – Ambasada Italije u Sarajevu je organizirala virtuelni sajam italijanskih univerziteta čiji cilj je bio pospješiti kontakte između univerziteta širom BiH s italijanskim institucijama.
- **UNICA studentska konferencija** – Univerzitet u Sarajevu, kao članica Asocijacije univerziteta glavnih gradova Evrope (UNICA), je bila učesnik u desetoj studentskoj konferenciji koju je organizirala ova Asocijacija u saradnji sa Univerzitetom Nova Lisboa (Portugal). Studentice drugog ciklusa studija Nadina Muslić sa Ekonomskog fakulteta i Zerina Čopra sa Fakulteta političkih nauka zajedno sa prorektoricom za međunarodnu saradnju prof. dr. Enitom Nakaš predstavljale su naš univerzitet. Tema konferencije bila je „Transformacija univerziteta u periodu nakon COVID–19“.
- **Rondine Cittadella della Pace** – Služba je dočekala delegaciju Asocijacije Rondine Cittadella della Pace. Cilj ovog sastanka je produženje saradnje između Univerzitea u Sarajevu i Asocijacije Rondine, kao i detaljno upoznavanje sa ovim specijalističkim programom koji se nudi studentima završnih godina dodiplomskog (bachelor) studija.

S obzirom da će poziv za polaznike ovog programa biti otvoren u oktobru 2022. godine, želja je bila da se uradi promocija i potpisivanje sporazuma, što će svakako biti uključeno u programe i dešavanja koje naša Služba organizira.

Članice Univerziteta u Sarajevu su imali aktivnu 2021. godinu kada su u pitanju njihova dešavanja. Uprkos aktivnoj pandemiji, (pod)organizacione jedinice su uspjele organizovati više dešavanja u online format ili uživo (zavisno od mogućnosti poštovanja epidemioloških mjera). Izdvajamo:

- **Akademija scenskih umjetnosti:**
 - Konferencija o izradi zajedničkog Master studija sa Fakultetom dramskih umjetnosti iz Beograda i Akademijom dramskih umjetnosti iz Zagreba;
 - ušesće na konferenciji Univerziteta Kine (umjetnosti) i Univerziteta Jugoistočne Evrope;
- **Arhitektonski fakultet:**
 - Međunarodna radionica sa Sveučilištem u Zagrebu i Tehničkim univerzitetom u Beču,
 - Radionica Dani Arhitekture ETH Zurich,
 - Međunarodna konferencija projekta HURBE
- **Ekonomski fakultet:**
 - Sarajevo Innovation Summit
- **Fakultet islamskih nauka:**
 - Međunarodne posjete i predavanja: dr. Omar Suleiman, dr. Jonathan Brown, prof. Mahmut Salihoglu, prof. Nizam Ya'qubi, prof. Maria D'Arienzo
- **Fakultet političkih nauka:**
 - Webinar „Field Education in Social Work under Corona Crisis: Learning from Southeast European and North American Perspective(s)“
 - Međunarodna ljetna škola „Advancing democracy: empowering democratic practices in the Western Balkans“
 - Međunarodna naučna konferencija „SVIJET I MI“
 - Međunarodna naučna konferencija „Razgovori o izbornoj demokratiji u Bosni i Hercegovini“
 - Završna regionalna dialoška platforma o obrazovanju
 - Prvi ciklus predavanja „Diaspora Talks“
- **Fakultet kriminalistike, kriminologije i sigurnosnih studija:**
 - Međunarodna konferencija „Devetnaesti Dani kriminalističkih nauka“
 - Posjeta predstavnika Filozofskog fakulteta Univerziteta Sv. Kiril i Metodije iz Makedonije
 - Posjeta Prof. dr. Ive Josipovića, Pravni fakultet, Sveučilište u Zagrebu
- **Fakultet za saobraćaj i komunikacije:**
 - Međunarodna konferencija „Nove metode učenja i refleksijanajboljih praksi zemalja EU na stanje sigurnosti saobraćaja u BIH“
- **Fakultet za upravu:**
 - Suorganizacija online naučne konferencije sa Univerzitetom MARA iz Malezije, radni sastanci i konferencije u vezi OECD projekta

- **Farmaceutski fakultet:**
 - Kick-Off sastanak za Erasmus+ projekat IQPharm
 - Međunarodna konferencija o medicinskom i biološkom inženjeringu
 - IQPharm Uvodni simpozij: Unapređenje farmacije kroz obrazovanje u Bosni i Hercegovini
- **Filozofski fakultet:**
 - Online radionica iz književnog prevođenja pod nazivom: Praksa prevođenja proze sa ruskog na bosanski jezik na primjeru romana Braće Strugacki „Teško je biti bog“ i „Izlet pored puta“;
 - Predavanje povodom Međunarodnog dana grčkog jezika;
 - Interaktivna online radionica na temu Teaching Controversial Issues u organizaciji Centra za mirovno obrazovanje;
 - Gostujuće predavanje XAVIERA ROUARDA, iz Ambassade Republike Francuske, na temu: „Nos ancêtres les Gaulois, les Slaves et les Dravidiens“ („Naši preci Gali, Slaveni i Dravidi“);
 - Javno online predavanje o temi „Prvi međuperiod u starom Egiptu: Mračno doba za Egipćane ili mračno doba za egiptologiju?“ dr. Uroša Matića;
 - Javno predavanje iz antičke historije jugoistočne Evrope o temi „Konkretizacija podataka iz antičkih izvora“ dr. sci. Siniše Bilića - Dujmušić;
 - Međunarodna radionica pod nazivom: „A thesaurus under discussion“;
 - Četvrta međunarodna konferencija o engleskom jeziku, književnosti, metodici nastave engleskog jezika i prevođenju (CELLTTS);
 - Sarajevski filološki susreti 6.;
 - Međunarodna lingvistička konferencija na Filozofskom fakultetu; Tema: Povijest tekstnih vrsta;
 - - Međunarodni online skup povodom 70 godina Odsjeka za romanistiku pod nazivom: 70 godina izučavanja romanskih kultura, jezika i književnosti na Filozofskom fakultetu Univerziteta u Sarajevu.
- **Institut za genetičko inženjerstvo i biotehnologiju:**
 - Međunarodna konferencija Zelene biotehnologije;
 - Drugi kongres genetičara u BiH sa međunarodnim učešćem;
 - Treća međunarodna radionica o naprednoj biotehnologiji u BiH (USDA/INGEB/GenuBiH)"
- **Orijentalni institut:**
 - Međunarodni naučni skup „Kulturno-historijski tokovi u Bosni i Hercegovini od 15-19. stoljeća“
 - Međunarodni naučni skup „500 godina od imenovanja Gazi Husrev-bega za bosanskog namjesnika“
- **Pedagoški fakultet:**
 - II međunarodna konferencija „Prozor u svijet obrazovanja, nauke i mladih“;
 - IV međunarodna konferencija „Multidisciplinarni pristupi u edukaciji i rehabilitaciji“;
 - VI međunarodni studentski kongres „Hrana-ishrana-zdravlje“
- **Poljoprivredno-prehrambeni fakultet:**
 - 10ti kongres o hrani Centralne Evrope
- **Pravni fakultet:**
 - Škola medijskog prava
 - Akademija medijskog
 - Ekološka pravna klinika

- Škola međunarodnog humanitarnog prava
- Monroe E Price Media Law Moot Court Competition
- Takmicenje u simulaciji sudjenja pred Evropskim sudom za ljudska prava
- **Prirodno-matematički fakultet:**
 - U okviru projekta Erasmus+ CBHE: Educating Science Teachers for All (ESTA) na Prirodno-matematičkom fakultetu Univerziteta u Sarajevu realiziran je i drugi dio obuke za nastavnike hemije/kemije osnovnih škola.
 - Prof. dr. Farooq Sher, gostujući predavač sa Univerziteta u Nottinghamu je realizirao internacionalnu istraživačku radionicu: “Effective Researcher and Pedagogic Stratification in Academics“.
 - Održan je okrugli sto na temu „Biomonitoring voda u FBiH“ u okviru realizacije ERASMUS+ projekta ECOBIAS - Development of master curricula in ecological monitoring and aquatic bioassessment for Western Balkans HEIs, u kojem učestvuje 11 univerziteta iz pet zemalja.
 - Na Prirodno-matematičkom fakultetu Univerziteta u Sarajevu održan je sedmi po redu kongres pod nazivom International Tourism and Hospitality Management Congress, na kojem je učestvovalo više od 50 autora iz 10-ak država svijeta.
 - Na Prirodno-matematičkom fakultetu Univerziteta u Sarajevu održana je Internacionalna konferencija o diferentnim jednadžbama i njihovim primjenama-ICDEA 2021, Sarajevo 26-30 juli 2021.
 - Prirodno-matematički fakultet Univerziteta u Sarajevu potpisao je Ugovor o istraživanju sa Internacionalnom Agencijom za atomsku energiju (IAEA). Istraživanje pod nazivom: "PIXE and MeV SIMS Analysis for Mapping Mineral Elements Distribution in Hyperaccumulating Plants" , realizirati će se u toku narednih 12 mjeseci. Glavni naučni istraživač (CSI) na datom projektu je Prof. dr. Erna Karalija sa Odsjeka za biologiju.
 - Na Prirodno-matematičkom fakultetu UNSA održana je 25. Juniorska balkanska matematička olimpijada. Učestvovalo je 128 takmičara iz 21 države (11 gostujućih država).
 - Online Masterclass škola terapije teškim jonima. Predavanja je držalo 15 eminentnih stručnjaka.
- **Veterinarski fakultet:**
 - Veterinarski fakultet Univerziteta u Sarajevu i Scuba schools international (<https://www.divessi.com/en/>) organizovali prezentaciju na temu “Uvod u Marinsku ekologiju sa prezentacijom programa Blue Oceans i SCUBA ronjenja za potrebe podvodnih istraživačkih radova”
 - Održan “kick-off” sastanak projekta bilateralne saradnje BiH i R Slovenija podržanog od strane Federalnog ministarstva obrazovanja i nauke
 - Laboratorij za molekularno-genetička i forenzička ispitivanja imenovan za nosioca aktivnosti saradnje s Evropskim centrom za kontrolu i prevenciju bolesti (ECDC)
 - Učešće Veterinarskog fakulteta Univerziteta u sarajevu na MEATCON2021 međunarodnom naučnom skupu
 - 9. Generalna skupština Asocijacije veterinarskih fakulteta država Mediterana (REEV MED) hosting i suorganizacija Veterinarskog fakulteta
 - Profesor Veterinarskog fakulteta Univerziteta u sarajevu izabran u Vijeće internacionalne edukacije veterinarske medicine (CIVME) u okviru AAVMC